



Zan Marolt s autorom teksta Zilhadom Ključaninom i direktorom Kamernog Zlatkom Topčičem

Muholovac u Kamernom teatru


Zilhad Ključanin se nada da će se ova drama svidjeti i najzahtjevnijoj publici

Predstava *Muholovac*, koju je prema dramskom tekstu bh. književnika Ključanina režirao Aleš Kurt, premijerno je izvedena na sceni Kamernog teatra 55, u koprodukciji s Festivalom Sarajevska zima. Ključanin je izrazio

nadu da će se ova drama svidjeti i najzahtjevnijim ljubiteljima teatra i drame. Premijerni dio predstave izveli su Zan Marolt i Boris Ler, a ansambl čine još Gordana Boban, Senad Alihodžić, Belma Lizdekurt, Rade Čolović i Vanesa Glodo.



Režiser predstave Aleš Kurt



S Južnih Mora
Senad Švraka fotografije

Galerija općine Novi grad, Branilaca Dobrinje 14, Dobrinja. 12 - 21 marta 2008.

Otvoreno 12 marta 2008 u 17 sati. Ulaz slobodan.

www.barba22.ba

Emina i Mustafa, roditelji

Emina Jahović, jedna od najpopularnijih estradnih zvijezda bh. scene, nakon što je stavila potpis na bračnu idilu s jednim od najpopularnijih turskih pjevača Mustafom Sandalom, objavila je da će u julu postati majka. Ultrazvuk je pokazao da će Emina i Mustafa postatiroditelji jednog dječaka. Trudnoća je mladu pjevačicu odvela na neki malo drugačiji kolosijek, ali je pronašla inspiraciju u novom stanju pa stvara i snima više nego ranije.



Nancy u Vagininim monolozima

Nekadašnja voditeljica televizije *Pink BH* Nancy Abdel Sakhi, nakon što je napustila ovu TV-kuću, posvetila se glumi. Trenutno je, kaže, prezaposlena kad je gluma u pitanju. Ovih dana očekuje je još jedan novi projekt - predstava *Vaginin monoloz* - koji će raditi za Media centar. Iako još ne zna kako su u Media centru zamislili ovaj projekt, ističe kako joj je samo bitno da je zadovoljna poslom koji radi.

Teretli poso

Dokumentarni film *Teretli poso*, reditelja Nedžada Begovića, bit će prikazan na *Diagonale Austrian Film Festivalu* koji će biti održan od 1. do 6. aprila u Gracu. Film je nedavno prikazan na filmskom festivalu u Geteborgu, a nastao je prema ideji Nuke Grebovića. *Teretli poso* je realiziran u produkciji sarajevske Sage.

